



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 21. Ultima S. Cyrilli ad Nestorium Epistola.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A.C. 430.

§. XXI.

*Ultima S. Cyrilli ad Nestorium
epistola.*

1. p. Conc.
Eph. c. 26.

Interea S. Cyrillus, ut erat ipsi a Papa mandatum, Alexandriae Concilium convocavit, forte illud, quod singulis annis mense Octobri agi solebat, omnibus Ægyptiacæ Provinciæ Episcopis convenientibus. Hujus igitur Concilii nomine ad Nestorium scripsit epistolam Synodalem, quæ tertia, & ultima esset admonitio; indicat, nisi intra tempus a Papa definitum, nempe decem dies, postquam hanc epistolam accepisset, errores suos rejiciat, nolle Episcopos ultra cum ipso communicare, nec pro Episcopo habituros, sed ex eo tempore cum omnibus Clericis, & Laicis, ab ipso depositis, seu excommunicatis, communicaturos. *Cæterum, inquit: non sufficiet, si Symbolum Nicænum professus fueris, nam illa verba detorquendi artem calles, sed scripto, & cum juramento confitendum tibi erit, quod impia tua dogmata anathematizes, teque imposteriorum crediturum, & docturum, quod nos omnes, non solum autem nos, sed omnes Episcopi Occidentis, & Orientis, & omnes illi, qui pascunt populos, credimus. Quippe S. Concilium Romanum, & nos omnes agnovimus, epistolas, tibi per Ecclesiam Alexandrinam missas, orthodoxas esse, & ab errore immunes.*

Epistola

Sæculum V.
A. C. 430.

Epistola Synodalis post hæc professio-
nem fidei continet. Primo positum est
Symbolum Nicænum, deinde longa, &
accurata Mysterii Incarnationis explica-
tio, illis consentanea, quæ S. Cyrillus
ante in aliis Epistolis dixerat. Ad præ-
cipuas Nestorii objectiones respondet,
& argumentum ab Eucharistia format
in hæc verba: *Mortem Jesu Christi an-
nuntiamus, atque Resurrectionem, & A-
scensionem ejus confitemur, dum in Eccle-
siis Sacrificium incruentum celebramus.*
*Ita Eulogiis Mysticis appropinquamus, &
sanctificamur, dum sacræ carnis, & pre-
tiosi sanguinis, Salvatoris nostri JESU
Christi, participes sumus; & non recipi-
mus eam, tanquam carnem vulgarem, hoc
Deus prohibeat! neque tanquam carnem
hominis sanctificati, & unione Dignita-
tis Verbo conjuncti, aut in qua Divini-
tas habitaverit, sed tanquam carnem vere
vivificantem, & Verbo propriam.* Nam
Verbum, quod, sua natura, vita est,
tanquam Deus, dum cum carne factum
est res una, eandem vivificantem reddi-
dit; alias quomodo caro hominis sua
natura vivificans esse posset. (*) Hæc
Epi-

n. 7.

de. 111111

.1. 111111

(*) Hæc iterum tam clara, & tam parum præ-
sentia tantum symbolica Christi in Eucharistia
convenientia, ut nihil addere necesse sit. Cæ-
terum si quis cuicumque extra Ecclesiam Roma-
nam